

Te wā pūrongo:

He nui rawa rānei oū mahi?



Nā te aha i hanga ai te Tāhuhu i tēnei rauemi?

Kua rongō mātou mai i te *Joint Taskforce on Reducing Compliance* ko tā te pūrongo ki ngā mātua he whakataumaha i ngā mahi mā ngā kaiako. Engari anō e mōhio ana mātou he mea tino whitake te tuari pūrongo ki ngā mātua me ngā whānau mō te ako me te angitu o ia tamaiti i roto i te huringa o te wā. He mea waihanga tēnei rauemi hei āwhina i a koutou i runga i ā koutou whakawhiti kōrero mō ngā tikanga pūrongo e tika ana mōu, mō tō kura – me ā koutou ākongā me ngā whānau.

Ko tētahi āhuratanga i whakapuakina e te rōpūmahī he maha ngā kaiārahi e kī ana ko te mahi pūrongo me ngā hiahia o taua mahi he whakataumaha noa i te mahi a te kaiako. Ko tā te NAG2c he whakatakoto kia pūrongo ngā kura ki ngā ākongā me ō rātou mātua, ā, kia tino kōunga hoki ngā pūrongo aromatawai:

- i. kia māmā, kia mārama anō te reo;
- ii. puta noa i Te Marautanga o Aotearoa, me ngā wāhanga ako o te reo matatini me te pāngarau.

He aha tēnei rauemi?


Ko tā tēnei rauemi he whakaatu me pēhea e tutuki ai NAG2c mā ngā huarahi rerekē me te whakatauirā i ngā mahi pūrongo ā ētahi kura ki ā rātou ākongā, ki ō rātou whānau, he pēhea hoki tōna āhua – me te āhua o ēnei huarahi hei whakatutuki i te whāinga o NAG2c.

Me pēhea te whakamahi i tēnei rauemi?

I āta waihangatia tēnei rauemi hei kaupapa whakawhiti kōrero, hei ārahi hoki i ā koutou whakawhiti kōrero ko ngā kaiako i a koutou e whakawhanake ana, e arotake ana rānei i ā kotou tikanga pūrongo kia hāngai ki ngā hiahia o ā koutou ākongā me ō rātou whānau.

Ka taea te whakamahi i tēnei rauemi kia mōhio:

- Āe rānei, he nui rawa āu mahi?
- Āe rānei, e rawaka ana āu mahi?
- Āe rānei, ko te hiahia o tā koutou kaupapa here pūrongo he whai kia pai ake te kauneke a te ākongā mā te tuari pūrongo?
- Āe rānei, kei te whakapai ake koutou i te ako me te angitu a ngā ākongā me te pūrongo ki ngā mātua me ngā whānau?
- Me pēhea e taurite ai te pūrongo whai hua hei painga mō ngā ākongā me ngā whānau ki te mahi a te kaiako?
- Āe rānei, e whakaata ana tā koutou kaupapa here pūrongo i ngā hiahia o tō hapori?



Ka taea te whakamahi i tēnei rauemi me te aratohu *Information sharing and building learning partnerships* nā mātou i tuku i te tīmatanga o tēnei tau <http://nzcurriculum.tki.org.nz/Reviewing-your-curriculum/Leading-Local-Curriculum-Guide-series/Information-sharing-and-building-learning-partnerships>

Ka taea e koe te pānui i te roanga o ngā kōrero mō ngā National Administration Guidelines i konei.
<https://www.education.govt.nz/our-work/legislation/nags/>

Te Kāwanatanga o Aotearoa


TE TĀHUHU O TE MĀTAURANGA
MINISTRY OF EDUCATION